



Irish Independent eureka



Buaiteoir 2005 – Gradam Domhanda an Léitheora Óig – Cumann Domhanda na Nuachtán (WAN)

Imleabhar 6, Eagrán 17
3 Márta 2010

The Irish Independent  Forlónadh Eolaíochta do Scoileanna



Tá na laethanta ag éirí níos faide agus tá daoine ag caint ar theacht an earraigh. Ach níl gach duine den tuairim chéanna faoi cén uair a thosaíonn an t-earrach go díreach. Deir roinnt daoine in Éirinn go dtosaíonn an t-earrach ar Lá Fhéile Bríde, an chéad lá d'Fheabhra. Deir daoine eile nach dtosaíonn sé go dtí mí an Mhárta. Ar chaoi ar bith, is é an rud is tábhachtaí go bhfuil

deireadh ag teacht leis an ngeimhreadh. Ceapann roinnt eolaithe go dtagann an t-earrach níos luaithe gach bliain. Is féidir leat cabhrú leo an tuairim seo a iniúchadh má ghlacann tú páirt sa tionscnamh Greenwave. Iarrann Greenwave ort **breathnú** ar chrainn ar leith agus taifead a dhéanamh den dáta a thagann na duilleoga amach orthu. Déanann tú taifead freisin ar an dáta a

fheiceann tú bláthanna, éin agus ainmhithe áirithe.

B'fhéidir nach í mí Feabhra an mhí is spreagúla (most exciting) sa bhliain ach tá raidhse mhór rudaí is féidir linn a cheiliúradh. Bhí Lá Fhéile Bríde ag tús na míosa, Lá Fhéile Vailintín i lár na míosa agus ar ndóigh, bhí briseadh meántearma againn. Conas a cheiliúránn daoine teacht an earraigh i dtíortha eile ?

Bhuel, dá mbeifé i do chónaí san Astráil nó sa Nua-Shéalainn, bheadh teacht an earraigh á ceiliúradh agat i mí Mheán an Fhómhair. Labhair leis an múinteoir faoi seo. Féachfaidh Eureka na seachtaine seo ar cheiliúradh an earraigh san Áis, go háirithe san India, sa tSín agus sa tSeapáin. Is féidir leat fáil amach freisin faoi pháirt a ghlacadh i dturgnamh eolaíochta eile atá ar siúl anseo in Éirinn.



Gníomhaíocht

Ceiliúradh an earraigh ar fud an domhain



Léigh tú ar an gcéad leathanach go gceiliúrann daoine teacht an earraigh ar fud an domhain. San India, bíonn ceiliúradh an-dhathannach (colourful) acu. Ceiliúraídh siad Féile Holi nó Féile na nDathanna Dé Luain seo chugainn. Imríonn daoine le dathanna chun beannachtaí na féile a ghúí ar a chéile. Caitheann siad an lá ar fad ag cuimilt púdair dhaite ar aghaidheanna a gcairde, ag caitheamh uisce dhaite ar a chéile, ag freastal ar chóisirí agus ag damhsa faoi aisréadóirí (sprinklers) uisce.

Cad a tharlóidh má mheascann na daoine na dathanna a chaitheann siad? Faighimid torthaí aisteach nuair a mheascaimid dathanna. Bain triail as an ngníomhaíocht seo go bhfeicfidh tú.



Is iad dearg, buí agus gorm na dathanna príomhúla (primary). Ní féidir dath príomhúil a dhéanamh má mheascann tú dathanna eile. Chuir Maidhc agus Mollai iad ar roth na ndathanna. Níor chuir siad na dathanna tánaisteacha isteach ar roth na ndathanna. Cabhraigh leo fáil amach cad iad na dathanna seo.

Leid: Nuair a mheascann tú dhá dhath phríomhúla le chéile, déanann tú dath tánaisteach. Tá dath tánaisteach leath-bhealaigh idir an dá dhath phríomhúla a mheasc tú le chéile chun an dath tánaisteach a dhéanamh. Ar roth na ndathanna, beidh na dathanna tánaisteacha suite idir na dathanna a d'úsáid tú chun iad a dhéanamh.

BUNÁBHAI:

- ★ Péint dhearg, péint bhuí, péint ghorm
- ★ Scuaba péinte
- ★ Uisce
- ★ Páipéar
- ★ Roth na ndathanna cosúil leis an gceann sa léaráid

TREORACHA:

1. Tarraing roth na ndathanna cosúil leis an gceann sa léaráid.
2. Tuar na dathanna tánaisteacha.
3. Cé na dathanna a mheascfaidh tú chun na dathanna tánaisteacha a dhéanamh? Pléigh é seo le do chairde.
4. Bain triail as. Lion isteach na spásanna ar roth na ndathanna.
5. Úsáid na torthaí chun na dathanna tánaisteacha a thaifeadadh. An raibh an ceart agat? Tá na freagraí ar leathanach eile.

DÚSHLÁIN BHREISE:

Cén dath a dhéanfaí dá meascfaí na trí dhath phríomhúla (dearg, buí, gorm) le chéile? Tuar. Cé na dathanna a mheascfaí chun donn agus liath a dhéanamh?



Gníomhaíocht

Eitleoga

Tá daoine ag baint sult as a bheith ag spraoi le heitleoga le 2000 bliain anuas. Bíonn an-tóir orthu fós ar fud an domhain. Ag an am seo den bhliain, bíonn féilte eitleog ar siúl sa tSín, sa tSeapáin agus i dtíortha eile san Áis chun teacht an earraigh a cheiliúradh. Go minic bíonn dathanna geala agus dearaí ar na heitleoga, agus bíonn eireabaill dhaite ag síneadh amach uathu. Bíonn cuma chasta orthu ach is féidir leat eitleog a dhéanamh go héasca.

Dear agus déan eitleog a eitleoidh


BUNÁBHAI:

- ★ Bileog pháipéir A4
- ★ Piosa fada téide
- ★ Seilteip
- ★ Bata adhmaid m.sh. taca (support) plandaí, bata beárbaiciú
- ★ Siosúr
- ★ Marcóirí nó pinn fheilte
- ★ Ribíní nó stiallacha plaisteacha. Is iad seo na heireabaill agus coinneoidh siad an eitleog cobhsaí (stable).

TREORACHA:

1. Fill an páipéar mar a fheiceann tú sna léaráidí.
2. Cuir seilteip ar an bhfilleadh.
3. Greamaigh an bata leis an eitleog le seilteip mar a fheiceann tú sa léaráid.
4. Greamaigh na ribíní nó na stiallacha plaisteacha leis an eitleog le seilteip.
5. Déan poll trian den bhealach síos an liopa (flap).
6. Ceangail an téad tríd an bpoll.
7. Maisigh d'eitleog don earrach.

Anois tá tú réidh chun d'eitleog a chur ag eitilt. Bí cinnte go bhfuil dóthain spáis agat.



SMAOINIGH AIR SEO:

An mbeadh páipéar sírise (crepe) nó plaisteach níos fearr?
An mbeadh sop óil níos fearr ná an piosa adhmaid?
An ndéanann an t-eireaball difríocht? Conas a thástálfá é seo?

Aire: Ná cuir eitleog in aice le línte cumhachta leictreachais riamh.

Arbh eol duit?

Uaireanta cois trá, feicfidh tú daoine ag taisteal go tapa tríd an uisce agus iad á dtarraingt ag eitleoga an-mhóra (eitleoga le cumhacht). Tá na daoine seo ag déanamh clársheoltóireacht eitleoige (kitesurfing). Seasann siad ar chlár toinne (surfboard) beag. Is féidir é seo a dhéanamh freisin ar ghaineamh - seasann siad ar chlár ar a bhfuil rothaí - agus ar shneachta - seasann siad ar chlár sneachta (snowboard). Tarraingíonn eitleog iad ar fad.



Cumhacht an aeir



Tá eitleoga níos troime ná aer – mar sin, cén fáth a bhfanann siad thuas san aer? Go hiondúil, cuireann daoine eitleoga ag eitilt ar lá gaofar. Nuair a ghluaiseann aer cabhraíonn sé le rudai fanacht thuas san aer. Is ionann an ghaoth agus aer atá ag gluaiseacht. Ach nuair nach mbíonn aer ag gluaiseacht, nó nuair a bhíonn sé ag gluaiseacht go mall, an ndéanann sé aon rud eile. Cuirfidh an chéad ghníomhaíocht eile ionadh ort.



Gníomhaíocht

Ní féidir é ...

BUNÁBHAI:

- ★ 2 phiosa páipéir

TREORACHA:

- Beir ar an dá phiosa páipéir os comhair do bheil sa chaoi go bhfuil an dá phiosa i dteagmháil le chéile (féach ar an léaráid).
- Tabhair dúshlán do do chairde – iarr orthu séideadh idir an dá phiosa páipéir chun iad a scaradh ó chéile. Tá sé dodhéanta is cuma cé chomh láidir agus a shéideann siad.

CÉN FÁTH A DTLARLAÍONN SÉ SEO?

Bíonn aer áirithe ag gluaiseacht go tapa agus bíonn aer eile ag gluaiseacht go mall. Nuair a ghluaiseann aer go mall, is láidre a bhrúnn an t-aer sin in aghaidh rudai ná an t-aer a ghluaiseann go tapa. Nuair a shéideann duine idir na píosaí páipéir, tá an t-aer sin ag gluaiseacht go tapa. Ach tá an t-aer ar gach aon taobh de na píosaí páipéir ag gluaiseacht go mall agus mar sin, brúnn an t-aer sin le chéile iad.

DÚSHLÁN BREISE:

Bain triail as an gcéad ghníomhaíocht eile. Pléigh gach rud a tharlaíonn le do mhúinteoir.

TREORACHA:

- Cad a tharlóidh má bheireann tú greim ar stiall pháipéir agus má shéideann tú thar a bharr (féach ar an léaráid)? **Tuar.**
- Cá bhfuil an t-aer ag gluaiseacht go tapa agus cá bhfuil an t-aer ag gluaiseacht go mall?
- Bain triail as. An raibh an ceart agat?
- Cad atá le foghlaim as seo faoi aer a ghluaiseann go mall agus aer a ghluaiseann go tapa?



Tráth na gCeist

Tá bláthanna an earraigh le feiceáil ar fud na tíre faoi láthair. Na bláthanna atá le feiceáil sna grianghraif fásann siad san earrach. Bíonn siad le feiceáil sna gairdíní agus sna páirceanna. Cad is ainm dóibh?

Meaitseáil an cur síos leis an ngriangraf. Scríobh an litir cheart sa spás.



- **Plúirín Sneachta:** Bíonn bláth beag bán orm agus bím cromtha (bent) síos. _____

- **Lus an Chromchinn:** Bíonn cruth thrumpa (trumpet) ar chuid de mo bhláth. _____

- **Hiasaint:** Bíonn a lán bláthanna beaga ar gach gas (stem) agam. _____



- **Cróch:** Táim beag agus bíonn cruth mar chupán ubhchruthach ar mo bhláth. _____

- **Tiúilip:** Táim ard, bíonn cruth mar chupán ar mo bhláth agus fásann bláthanna cosúil liom ar fud na hOllainne. _____

Tá na freagraí ar leathanach eile.



Freagraí ar an gCrosfhocal
TRASNA: 1. Darg, 3. Earrach 5. Sneachta, 6. Soilire, 7. Gabhach
SÍOS: 2. Gorm, 3. Eitleog 4. Holl, 8. Cuach



Gníomhaíocht

Éin an Earraigh

Ní gá duit fanacht go mbíonn tú fása suas chun obair eolaíoch a dhéanamh. Tá cabhair ag teastáil ó na heolaithe atá ag obair ar an tionscadal 'Spring Alive'. Níl le déanamh agat ach cur in iúl do Birdwatch Ireland cén uair a fheiceann tú Fainleog, Cuach, Gabhlán Gaoithe (swift) agus Storc Bán den chéad uair i mbliana. Ná bí róbhualtha faoin Storc Bán – ní fheicimid in Éirinn go minic é. Má tá leicne dearga, bolg bán agus eireaball fada gabhlach (forked) ar an éan, is fainleog é. Má tá sé dorchá ó bhun go barr agus go bhfuil an t-eireaball gabhlach gearr, is gabhlán gaoithe é. Nuair a thagann an chuach go hÉirinn, lorgaíonn sí nead éin eile agus beireann sí a cuid uibheacha ann. Tá breis eolais ar an tionscadal agus eolas ar chlárú le fáil ag www.springalive.net. Tá pictiúr de na héin ar an suíomh freisin.




DÚSHLÁN BREISE:

An dtagann mórán éan ar cuairt chuig ceantar na scoile?

Ar www.birdwatchireland.ie/KidsZone, tá eolas ar bhealaí chun staidéar a dhéanamh orthu agus ar ghníomhaíochtaí eile a bhaineann le héin.

Torthaí agus glasraí



Tosaíonn daoine ag cur barr, torthaí agus glasraí ina measc, san earrach. Cad í an difríocht idir glasraí agus torthaí? Go minic, bíonn siolta i dtorthaí, agus ní bhíonn siolta de ghnáth i nglasraí. Bíonn siolta i dtorthaí mar fásann siad as bláth an phlanda agus gineann (produces) bláth siolta. Ach rinne eolaithe obair ar torthaí áirithe, m.sh bananaí agus fionchaora, chun torthaí a fhás nach mbeadh siolta iontu, mar nach maith le daoine na siolta crua a bhlaiseadh ina mbéal. Uaireanta mar sin, bíonn sé deacair oibriú amach cé acu toradh nó planda é rud áirithe.


An torthaí nó plandaí iad na rudaí seo thíos? Féach ar an mbia féin más féidir. Cá háit a bhfásann siad ar an bplanda? Cuir tic sa cholún ceart.

Cúcamar	Toradh? <input type="checkbox"/>	Glasra? <input type="checkbox"/>
Soilire	Toradh? <input type="checkbox"/>	Glasra? <input type="checkbox"/>
Tráta	Toradh? <input type="checkbox"/>	Glasra? <input type="checkbox"/>
Cairéad	Toradh? <input type="checkbox"/>	Glasra? <input type="checkbox"/>

Pléigh an t-eolas seo le do mhúinteoir. Conas a shocraigh tú cé acu toradh nó planda é?



Crosfhocal



Trasna

- 1) Is dath príomhúil é. (5)
- 3) An chéad séasúr sa bhliain. (7)
- 5) Is bláth beag bán é an plúirín. (7)
- 6) Is glasra glas é. (7)
- 7) Bíonn eireaball fada ar fháinleog. (8)

Síos

- 2) Is dath príomhúil é. (4)
- 3) Bíonn féile acu sa tSín agus sa tSeapáin chun an t-earrach a cheiliúradh. (7)
- 4) Tugann muintir na hIndia ar fhéile an earraigh. (4)
- 8) Beireann sí a cuid uibheacha i nead éin eile. (5)

Flannbhul (coráiste), Uafine (glas), Corcailghorm (violet)

Freagraí ar Cheist na ndathanna Tánaisteacha:

Plúirín Sneachta: C, Lus an Chromchinn: E, Hiasaint: B, Croch: A, Trilip: D

Freagraí ar Thráth na gCeist

eureka

Foilsíonn an Irish Independent Eureka, i gcomhar leis an Ionad Oideachas Eolaíochta ag Coláiste Phádraig, Droim Conrach, BÁC 9, le tacaíocht ón gComhairle um Oideachas Gaeltachta agus Gaelscolaíochta.

Centre for Science Education



TAIGHDE & TÉACS:
Paula Kilfeather, Cliona Murphy,
Janet Varley & Fiachra O'Brolcháin.
Aistriúchán: Bairbre Ní Ógáin

EAGARTHÓIR: John Walshe
DEARADH: Smart Design
SCRÍOBH CHUIG:
Debbie Brennan, Eureka,
Irish Independent,
27/32 Sráid Thalbóid,
BÁC 1.

LÍNE DO CHUSTAIMÉIRÍ:
Tel: 023 32879
CUIR RÍOMHPHÓST CHUIG:
eureka@independent.ie
www.independent.ie/eureka